

keiten / mit gegenwärtigem Pulffer Instrument zu effectuiren, gnugsame Anlaitung haben.

Verdorben Pulffer zu verbessern.

Verdorben
Pulffer zu
verbessern.

Wann das Pulffer nicht von wol gepurgirtem sonder noch in sich haßbendem Salz vnd feuchtem Salpeter ist gemacht worden / so verursacht es durch das lange ligen (s. füremblieb aber / wann es nit jährlich / meist aber alle zwey Jahr / einmahl geöffnet / vnd erlufftet wird.) seind Untergang vnd Verderben / dann der feuchte Salpeter erfäult die Kolen / der senkt sich als das schwereste Gewicht / in dem eingeschlossenen Väßlin auff den Boden hinunder / dahero am eröffnen offtermahlen das Pulffer oben gar krafftlos / wie Meel zerfallen / auch von gar leichtem Gewicht / vnd also gleichsam nur der Schwefel vnd die Kolen da ligt / hingegen / vnd vnden auff dem Boden des Väßlins aber / der Salpeter maistheils in harten an gewachsenen Stücken zu finden ist / dene man manchmahl zerhacken muß. Dergleichen verdorben Pulffer dañ / zum schiessen / nicht mehr kan gebraucht werden. Welche schlechte Qualiteten vnd Untüchtigkeit aber / das vorberürte Pulffer Probier Instrument gar bald entdecken wird. Sintemahlen / vnd wie mir bewußt ist / daß solche krafftlose Pulffer / nur ein einigen Zoll auf disem Instrument gestigen seynd / Wann aber dergleichen schlecht Pulffer in einer Munition gefunden wird / so solle mans ausmustern / zusammen schütten / in einem Zuber wol durch einander mengen / damit es ein gleicher Zeug werde / von welchem mag man . $\frac{1}{4}$. Gentner zur Prob in der Pulffermühlen von newem / jedoch allein mit frischem Brunnenwasser abstossen lassen / so lebst aber / vnd ehe mans körnen will / mit gutem weissen Wein Essig angefeucht / das gibt ihme zimbliche Hülff (dann offtermahlen diß neue Abstoßsen / wofer die Kolen darinnen noch nit verdorben weren / das Pulffer merklich widerumben erquicket vnd verbessert.) vnd macht gar saubere harte Körnlin / alsdann wie vorne gehört / gekörnt / getrücknet / vnd abermahlen auff vielbesagtem Pulffer- Probier Instrument probiert / da ist es .3. bis .4. Zöll hernach gestigen / wann es sich nun also erzeigt / so mag mans durch diese beschehene Renouation / gar wol widerumben in die Munition legen / vnd für Garthaunen Pulffer gebrauchen / Solte es aber allein .1. oder .2. Höberlin steigen / so kan es aufgemustert / vnd wie hernach volgen wird / gar geschaiden werden.

Das Pulffer zu schaiden.

Pulffer zu
schaiden.

LIn Exempel vnd Experienz , Ich name . $\frac{1}{2}$. Gentner oder .12 $\frac{1}{2}$. Pf. vnd auff dem Pulffer- Probier Instrument allein ein Zoll gestigenen verdorbenen Pulffers / dasselbige in einem Kessel / mit darangießung frischen Brunnenwassers / ob dem Feur versieden lassen / so wird es zu schwärze Lauge